

*Orde do 24 de xuño de 2009 pola que se anuncia a convocatoria para a concesión de subvencións a escolas de música dependentes de institucións sen ánimo de lucro.*

A Lei orgánica 2/2006, do 3 de maio, de educación, establece no seu artigo 48.3º que poderán cursarse estudos de música ou de danza que non condúzan á obtención de títulos con validez académica ou profesional en escolas específicas, con organización e estrutura diferentes e sen limitación de idade.

A orde da Consellería de Educación e Ordenación Universitaria do 11 de marzo de 1993 regula a creación e o funcionamento das escolas de música da Comunidade Autónoma de Galicia; no seu punto 12 clasifica as escolas de música como públicas ou privadas, segundo o seu titular sexa un organismo de carácter público, ou unha persoa física ou xurídica de carácter privado.

Co fin de potenciar o funcionamento das escolas de música dependentes de institucións sen ánimo de lucro, e en virtude das atribucións que ten conferidas a Consellería de Educación e Ordenación Universitaria,

#### DISPOÑO:

Primeiro.-Facer pública a convocatoria, en réxime de concorrencia competitiva, de axudas destinadas a subvencionar o funcionamento das escolas de música dependentes de asociacións ou fundacións sen ánimo de lucro que teñan entre os seus obxectivos a formación en ensinanza de música que non condúzan a títulos académicos ou profesionais que radiquen na Comunidade Autónoma de Galicia e para o desenvolvemento das súas actividades docentes desde o 1 de xaneiro de 2009 ata o prazo límite de xustificación de gastos.

Segundo.-Poderán solicitar estas subvencións os titulares das escolas de música sinaladas no punto anterior que contén coa correspondente autorización da Consellería de Educación e Ordenación Universitaria.

Non poderá ter a condición de beneficiario das axudas previstas nesta orde quen incorra nalgunha das circunstancias previstas no artigo 10.2º da Lei 9/2007, do 13 de xuño, de subvencións de Galicia.

Estas axudas serán compatibles con outras subvencións ou axudas para a mesma finalidade, procedentes de calquera outra administración ou de entes públicos ou privados, nacionais, da Unión Europea ou de organismos internacionais.

Terceiro.-O importe total das axudas será de corenta mil euros (40.000 euros) e librarase con cargo á aplicación orzamentaria 09.03.422E.481.0 da Dirección Xeral de Educación, Formación Profesional e Innovación Educativa.

En calquera caso a contía máxima da axuda por beneficiario non poderá superar a cantidade de catro mil euros (4.000 euros).

Cuarto.-As solicitudes, segundo o modelo de instancia e máis os anexos que figuran nesta orde, xunto coa documentación xustificativa correspondente, dirixiranse á Consellería de Educación e Ordenación Universitaria e presentaranse na oficina de rexistro único e información e atención ao cidadán no complexo administrativo de San Caetano de Santiago de Compostela, ou nos lugares que sinala o artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, no prazo dun mes (1 mes) contado a partir do día seguinte ao da publicación desta orde no *Diario Oficial de Galicia*.

Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes do vencemento non houberse día equivalente ao inicial do cómputo, entenderase que o prazo expira o último día do mes.

A solicitude debe ir xunto coa seguinte documentación:

- a) Fotocopia cotexada da tarxeta de identificación fiscal.
- b) Orixinal ou fotocopia cotexada de certificación bancaria a nome do solicitante, en que conste o número de conta na cal desexa que se lle ingrese, se é o caso, o importe da axuda.
- c) Declaración responsable de ter solicitado, ou non, axuda para a mesma finalidade doutras administracións ou entes públicos.
- d) Fotocopia cotexada dos estatutos da asociación ou fundación solicitante dos cales se debe desprender que se trata dunha entidade sen ánimo de lucro, e que entre os seus obxectivos figure a formación en ensinanza de música.
- e) Declaración responsable de non incorrer en ningunha das circunstancias previstas no artigo 10.2º da Lei 9/2007, do 13 de xuño, de subvencións de Galicia.

De conformidade cos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xullo, polo cal se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a consellería publicará no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao abeiro desta orde; e incluírá igual-

mente as referidas axudas e as sancións, que como consecuencia delas se puidesen impoñer, nos correspondentes rexistros públicos, polo cal a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.

A reserva que o peticionario poida facer no senso de non autorizar a obtención de datos ou a publicidade dos datos nos rexistros, que, en todo caso, terá que se expresar por escrito, poderá dar lugar á exclusión do proceso de participación para obter a axuda ou subvención ou, noutro caso, á revogación do acto de outorgamento e, se procede, ao reintegro do importe concedido.

Quinto.-Na valoración de solicitudes teranse en conta os seguintes aspectos coa ponderación que se indica:

1. Número do alumnado matriculado no curso 2008/2009.

2. Número de especialidades instrumentais impartidas.

3. Número do profesorado e tempo de dedicación.

Os tres aspectos anteriores, no seu conxunto: de 0 a 6 puntos.

4. Dimensións das instalacións: de 0 a 1 punto.

5. Volume do orzamento da escola de música: de 0 a 1 punto.

6. Importe total que o centro percibe do alumnado no curso escolar 2008/2009 pola impartición das ensinanzas: de 0 a 2 puntos con ponderación inversa.

A distribución das axudas, tendo en conta os aspectos anteriores, realizarase atendendo ao sistema de rateo entre os beneficiarios da subvención do importe global máximo destinado ás subvencións.

Sexto.-A Dirección Xeral de Educación, Formación Profesional e Innovación Educativa poderá requirir do solicitante cantos documentos e aclaracións considere necesarios para complementar o expediente, e tamén poderá dispor que se leven a cabo as comprobacións oportunas dos datos achegados polos solicitantes.

Calquera alteración que se produza nos datos contidos na documentación que se xunta á solicitude será comunicada polo solicitante á mencionada dirección xeral, para os efectos previstos no punto décimo segundo desta orde.

Sétimo.-Baixo a presidencia da persoa titular da Dirección Xeral de Educación, Formación Profesional e Innovación Educativa ou persoa en quen delegue, constituirase unha comisión encargada de valorar as solicitudes presentadas e que estará integrada por:

-O/a subdirector/a xeral de Centros ou persoa en quen delegue.

-O/a xefe/a do Servizo de Ensinanzas de Réxime Especial.

-O/a xefe/a do Servizo de Xestión Económica e Educación de Adultos.

-Un/unha asesor/a de ensinanzas artísticas da Dirección Xeral de Educación, Formación Profesional e Innovación Educativa.

-Un/unha funcionario/a da Consellería de Educación e Ordenación Universitaria que actuará como secretario/a con voz e sen voto.

A comisión poderá dispoñer a constitución dunha subcomisión técnica especializada só para os efectos de colaborar na valoración dos aspectos previstos no anexo II. A percepción de asistencias desta comisión, se é o caso, aterase á categoría correspondente que determine a Dirección Xeral de Función Pública da Consellería de Facenda ou a dirección xeral que resulte competente na materia, segundo o disposto no Decreto 144/2001, do 7 de xuño, sobre indemnizacións por razón do servizo do persoal con destino na Administración autonómica de Galicia.

Oitavo.-A comisión elaborará unha proposta provisoria de adxudicación das axudas que se notificará aos interesados para que estes, no prazo de dez días hábiles, poidan formular as alegacións que consideren oportunas. Valoradas as alegacións, a comisión elevará a proposta definitiva de adxudicación das axudas á persoa titular da Consellería de Educación e Ordenación Universitaria para a resolución que proceda.

Noveno.-A resolución de concesión de axudas ditada pola persoa titular da Consellería de Educación e Ordenación Universitaria publicarase no *Diario Oficial de Galicia*, no prazo máximo de seis meses contados desde a publicación da convocatoria, e nos termos que figuran no artigo 34º.4 do Regulamento de subvencións de Galicia, aprobado polo Decreto 11/2009, do 8 de xaneiro.

No suposto de que non recaia resolución expresa dentro do prazo máximo previsto, os solicitantes poderán entender desestimadas as súas solicitudes para os efectos de interpor o recurso administrativo ou contencioso-administrativo que proceda.

Contra a resolución ditada, que esgotará a vía administrativa, os interesados poderán interpor recurso de reposición no prazo dun mes, contado a partir do día seguinte ao da súa publicación no *Diario Oficial de Galicia*, perante o/a conselleiro/a de Educación e Ordenación Universitaria, segundo o disposto na Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, ou ben os intere-

sados poderán presentar directamente recurso contencioso-administrativo, perante o Tribunal Superior de Xustiza de Galicia, no prazo de dous meses contados a partir do día seguinte ao da súa publicación, conforme se establece na Lei 29/1998, do 13 de xullo, reguladora da xurisdición contencioso-administrativa.

Décimo.-As subvencións irán destinadas a financiar operacións correntes (gastos de funcionamento e profesorado), polo que os xustificantes que ten que achegar o beneficiario non poderán ser certificacións de obra, nin gastos de investimento.

O pagamento da subvención realizarase unha vez comprobado polo órgano concedente a xustificación presentada polo beneficiario da realización da actividade subvencionada, de conformidade co disposto no artigo 31 da Lei 9/2007, do 13 de xuño, de subvencións de Galicia, así como no artigo 60º do Regulamento de subvencións de Galicia, aprobado polo Decreto 11/2009, do 8 de xaneiro. En todo caso, o beneficiario presentará antes do 31 de outubro de 2009 a xustificación completa.

Para que se poida dar curso aos libramentos, segundo o estipulado no artigo 48 do Regulamento de subvencións de Galicia, aprobado polo Decreto 11/2009, do 8 de xaneiro, o solicitante deberá achegar memoria xustificativa do cumprimento das condicións impostas na concesión da subvención, con indicación das actividades realizadas e dos resultados obtidos. Así mesmo, deberá achegar memoria económica que incluíra relación clasificada dos gastos da actividade, con identificación do acredor e do documento, o seu importe, data de emisión e data de pagamento e copia cotexada de facturas, nóminas, boletíns de cotización á Seguridade Social, documentos de retencións do imposto da renda das persoas físicas, certificacións bancarias e documentos similares, referentes ao período comprendido entre o 1 de xaneiro e o 30 de setembro de 2009, así como os documentos xustificativos do pagamento.

Ademais, no momento da xustificación e en calquera caso antes do último pagamento, o beneficiario presentará unha declaración complementaria do conxunto das axudas solicitadas, tanto das aprobadas ou concedidas coma das pendentes de resolución para a mesma finalidade, ás distintas administracións públicas ou ás súas entidades vinculadas ou dependentes, con indicación do importe e a súa procedencia, ou declaración de non ter solicitada ningunha outra axuda para a mesma finalidade.

A xustificación deberá facerse sobre a subvención total concedida e de non facerse pola totalidade minorarase a subvención en proporción á contía xustificada.

As xustificacións serán dirixidas á Consellería de Educación e Ordenación Universitaria, Dirección

Xeral de Educación, Formación Profesional e Innovación Educativa, San Caetano, s/n, 15781 Santiago de Compostela.

Décimo primeiro.-A Dirección Xeral de Educación, Formación Profesional e Innovación Educativa, a través dos servizos provinciais de inspección educativa, realizará o seguimento da aplicación das subvencións nas escolas de música dependentes de institucións sen ánimo de lucro.

Así mesmo, o beneficiario ten a obriga de facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das súas funcións de fiscalización e control do destino das subvencións.

Décimo segundo.-Toda alteración das condicións tidas en conta para a concesión da subvención poderá dar lugar á modificación da resolución de concesión, nos termos establecidos na normativa reguladora da subvención, tal como se establece na Lei 9/2007, do 13 de xuño, de subvencións de Galicia.

Décimo terceiro.-No caso de darse algún dos supostos recollidos no artigo 33 da Lei 9/2007, do 13 de xuño, de subvencións de Galicia, o beneficiario da subvención deberá proceder ao reintegro das cantidades recibidas e máis os xuros de demora, nos termos e condicións establecidos nos artigos 77 ao 83, inclusive, do Regulamento de subvencións de Galicia, aprobado polo Decreto 11/2009, do 8 de xaneiro.

Décimo cuarto.-Nas comunicacións, publicidade e propaganda das escolas de música que obteñan estas axudas deberá figurar o logotipo da Xunta de Galicia, xunto coa seguinte expresión literal: «Centro subvencionado pola Consellería de Educación e Ordenación Universitaria».

#### *Disposición adicional*

Para o non previsto nesta orde haberá que averse á Lei 9/2007, do 13 de xuño, de subvencións de Galicia, así como ao Decreto 11/2009, do 8 de xaneiro, polo cal se aproba o Regulamento da Lei 9/2007, do 13 de xuño, de subvencións de Galicia.

#### *Disposicións derradeiras*

Primeira.-Facúltase a Dirección Xeral de Educación, Formación Profesional e Innovación Educativa para adoptar os actos e medidas necesarias para a aplicación desta orde.

Segunda.-Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 24 de xuño de 2009.

Jesús Vázquez Abad  
Conselleiro de Educación e Ordenación  
Universitaria



**XUNTA DE GALICIA**  
**CONSELLERÍA DE EDUCACIÓN**  
**E ORDENACIÓN UNIVERSITARIA**

*ANEXO I*

PROCEDEMENTO <b>SUBVENCIONS A ESCOLAS DE MUSICA SEN ANIMO DE LUCRO</b>	CODIGO DO PROCEDEMENTO <b>ED314D</b>	DOCUMENTO <b>SOLICITUDE</b>
---	---	--------------------------------

**DATOS DA ESCOLA**

DENOMINACIÓN		
[ ]		
ENDEREZO	CODIGO POSTAL	PROVINCIA
[ ]	[ ]	[ ]
CONCELLO	LOCALIDADE	
[ ]	[ ]	
CORREO ELECTRÓNICO	TELÉFONO	FAX
[ ]	[ ]	[ ]

**DATOS DO/DA SOLICITANTE**

TITULAR	CIF	
[ ]	[ ]	
ENDEREZO	CODIGO POSTAL	PROVINCIA
[ ]	[ ]	[ ]
CONCELLO	LOCALIDADE	
[ ]	[ ]	
CORREO ELECTRÓNICO	TELÉFONO	FAX
[ ]	[ ]	[ ]

**E, na súa representación:**

DON/DONA	DNI	
[ ]	[ ]	
ENDEREZO	CODIGO POSTAL	PROVINCIA
[ ]	[ ]	[ ]
CONCELLO	LOCALIDADE	
[ ]	[ ]	
CORREO ELECTRÓNICO	TELÉFONO	FAX
[ ]	[ ]	[ ]

Cofecendo a convocatoria de axudas da Consellería de Educación e Ordenación Universitaria para escolas de música dependentes de institucións sen ánimo de lucro, segundo a Orde do \_\_\_\_\_

**SOLICITA**  
 Axuda por importe total de [ ] (máximo 4.000 euros), que aplicará en [ ]

**DOCUMENTACIÓN QUE HAI QUE ACHEGAR**

<input type="checkbox"/> TARXETA DE IDENTIFICACIÓN FISCAL COTEXADA.	<input type="checkbox"/> DECLARACIÓN RESPONSABLE DE TER SOLICITADO OU NON AXUDA PARA A MESMA FINALIDADE.
<input type="checkbox"/> FOTOCOPIA COTEXADA DOS ESTATUTOS DA ASOCIACIÓN OU FUNDACIÓN SOLICITANTE.	
<input type="checkbox"/> DECLARACIÓN RESPONSABLE DE NON INCORRER EN NINGUNHA DAS CIRCUNSTANCIAS PREVISTAS NO ARTIGO 10.2º DA LEI 9/2007.	
<input type="checkbox"/> ORIXINAL OU FOTOCOPIA COTEXADA DE CERTIFICACIÓN BANCARIA.	

**DECLARACIÓN XURADA:**

Declaro baixo xuramento que todos os datos da solicitude así como dos anexos son certos.

Quen abaixo asina **DECLARA QUE** presta expresamente o seu consentimento á Consellería de Educación e Ordenación Universitaria para que, de acordo co establecido nos puntos 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmo/a de que os datos persoais recollidos nesta solicitude se incorporarán a un ficheiro para o seu tratamento coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, dirixindo un escrito a esta consellería como responsable do ficheiro (o enderezo figura ao pé desta solicitude).

LEXISLACIÓN APLICABLE -Orde do 24 de xuño de 2009 pola que se anuncia a convocatoria para a concesión de subvencións a escolas de música dependentes de institucións sen ánimo de lucro. -Orde do 11 de marzo de 1993 pola que se regulan as condicións de creación e funcionamento das escolas de música e danza da Comunidade Autónoma de Galicia (Diario Oficial de Galicia do 22 de abril).
SINATURA DO/DA SOLICITANTE OU PERSOA QUE O/A REPRESENTA
Lugar e data
de de 200

(Para cubrir pola Administración)	
RECIBIDO	NÚMERO DE EXPEDIENTE
[ ]	[ ]
REVISADO E CONFORME	DATA DE ENTRADA
[ ]	____/____/____
	DATA DE EFECTOS
	____/____/____
	DATA DE SAÍDA
	____/____/____



**4. INSTALACIÓNS**

DEPENDENCIA*	M <sup>2</sup>	HORAS DE UTILIZACIÓN Á SEMANA
<i>TOTAL M<sup>2</sup></i>		

\* Indíquese segundo corresponde: aulas, sala de profesores, servizos, despachos, cabinas, etc.

**5. ORZAMENTO DE GASTOS PARA O PERÍODO SUBVENCIONABLE**

	CONCEPTO	IMPORTE
<b>A. DE CARÁCTER FIXO</b>	OBRAS MENORES DE REPARACIÓN	
	PARA REPARACIÓN E MANTEMENTO DO EQUIPAMENTO	
<b>B. DE CARÁCTER RECORRENTE (nos cales se incorre todos os anos)</b>	<b>A.- TOTAL GASTOS DE CARÁCTER FIXO</b>	
	DE FUNCIONAMENTO	
	DE PERSOAL	
	DOCENTE	
	NON DOCENTE	
	<b>B.- TOTAL GASTOS DE CARÁCTER RECORRENTE</b>	
	<b>TOTAL (A+B)</b>	

**6. IMPORTE TOTAL QUE O CENTRO PERCIBE DO ALUMNADO NO CURSO 2008/2009 POLA IMPARTICIÓ N DE CLASES**

IMPORTE TOTAL QUE PERCIBE DO ALUMNADO	TOTAL